



## Ս. ՆԵՐՍԵՍ ԾՆՈՐՀԱԼՈՒ ԱՆՏԻՊ ՏԱՂԵՐԸ\*

ՏԱՂ ՎԱՍՆ ՏՆԱԻՐԵՆՈՒԹԵԱՆ ՔՐԻՍՏՈՍԻ ԱՍՏՈՒԾՈՅՆ ՄԵՐՈՅ

Նորն Ադամ հնոյն Ադամայ որդիացաւ,  
ի կուսէն Աստուած և մարդ որ խառնեցաւ,  
Երկակի անճառապէս յոյժ միացաւ,  
և բնութիւն երկաքանչիւրն ոչ շրփոթեցաւ:  
Բամեալքն ի մի լրութիւն բնութեան շրթանեցաւ,  
և յերկուցըն միութիւն ոչ քակտեցաւ:  
Սա Աստուած նոյն է և մարդ որ մեզ ցուցաւ,  
ի յերկրի ի մէջ մարդկան մարդ շրջեցաւ:  
էջ յաշխար և ի հարէ ոչ մեկնեցաւ,  
եւ առ հայր և յաշխարհէ ոչ հեռացաւ:  
Սա ի խաչ վասն Ադամայ բեւեռեցաւ,  
ճաշակեաց ըզմահ մարմնով զոր ըզգեցաւ:  
էր Աստուած նոյն էր և մարդ որ խաչեցաւ,  
դնաւդն ի կեանս եղեալ ի մահ կամաւ տուաւ:  
Զի անմահ բնութեամբն իւրով ոչ մահացաւ,  
այլ իմով մարմնով մեռաւ մահկանացուաւ:  
Ախեալ դուտըն դժոխոց խորտակեցաւ,  
յորժամ էջ ի նոր տապան և թաղեցաւ:  
Յարուցեան երրորդ աւուր որպէս զըրեցաւ,  
մեռասան առաքելոցն երևեցաւ:  
Սոյն յերկինս որպէս և էջ նա վերացաւ,  
ընդ աջմէ ծնաւդին իւրոյ նա բաղմեցաւ:  
Բայց զայցէ անճառ փառաւր որպէս ցուցաւ,  
ի յերկուցըն հրեշտակաց մինչ համբարձաւ:  
Ազգէ փող մեզ յարութեան զոր խոստացաւ,  
դատաստան յաւիտենից որ ծանուցաւ:  
Նմա փառք այժմ յաւիտեան որ ընթացաւ,  
և անկէտ յաւիտեան ի նոր կայացաւ:

\* Շարունակված «Էջմիածին» ամսագրի 1967 թվականի № 7-ից:

## ՏԱՂ Ի ՆԵՐՍԷՍ ԿԱԹՈՂԻԿՈՍԷ ԱՍՍՏԵՍԱ

Յայսրմ վայրի եղև յայտնեալ, այն որ Մեսրոպըն կոչեցեալ,  
որ տեսական ուսմամբ վարժեալ, գործնականաւ գերադանցեալ:  
Ճըզնողական վարս ընկալեալ, ի յանապատրս հետեեալ,  
Ար ըստ արէ՛ զմահ՛ յանձն առեալ, ընդ Քրիստոսի շարշարակցեալ:  
Բարեաց պատճառ հայոց եղեալ, զիմաստութեան գանձըն խընդրեալ,  
զոր աղաւթից մասամբ գրտեալ, հոգւոյն մատամբք տըպատրեալ:  
Ըստ Մովսիսի արժանացեալ, զաստուածագիծ տառս ընկալեալ,  
երիւք տասամբք վեցիւք յանդեալ, արեղական ելիւք շափեալ:  
Այսրմ շնորհաց սովաւ տըւեալ, սուրբըն Սահակ աւժանդակեալ,  
որ ներսիսի որդի ծընեալ, համանըման նախնեաց նեղեալ:  
Արդ երկոքին սոքա ընտրեալ, եկեղեցւոյ ամուր լըծեալ,  
զբանին ակաւարն պատառեալ, զիմաստութիւնըն սերմանեալ:  
Մանկունս ուշիմըս ժողովեալ, նոր զըպրութիւն այնու վարժեալ,  
որք թարգմանիչք հոգւովն եղեալ, ըստ Պրտղոմեայ ի նոյն շարժեալ:  
Յաթենացւոց բաղաքն երթեալ, զիմաստութեան ծաղիկն առեալ,  
որպէս մեղու թևաւք բարձեալ, յեկեղեցիս հայոց բերեալ:  
Այս է Մովսէս Դաւթիւ եղեալ, և Մամբրէիւ այլք հաստատեալ,  
այնքան շնորհաւք վերին լըցեալ, մինչ զի յունաց գերազանցեալ:  
Բայց Մեսրովպայ շըրջագայեալ, զամենեսեան լուսատրեալ,  
վրաց և աղուանաց գիր ստեղծեալ, հոգւոյն շնորհաւք առատացեալ:  
Զեկեղեցւոյ կարգ յարիսեալ, և սբանչելեաւք վախճան առեալ,  
լոյս ի յերկնից վերածագեալ, ի ձև խաչի մարմնոյն խաչեալ:

## ԱՅՆ ՏԱՂ ՏԵԱՌՆ ՆԵՐՍԻՍԻ ԿԱԹՈՂԻԿՈՍԷ

Աստուածային հոգւով լըցեալ, այն որ Վարդան վերածայնեալ,  
Մամիկոնեան զարմէն սերեալ, և սպարապետ հայոց եղեալ:  
Զեկեղեցւոյ սիւն հաստատեալ, վասըն նորա նահատակեալ,  
սըմա բազումք նիզակակցեալ, սուրք նախարարք հանգիսացեալ:  
Որք վարդազոյն արեամբ զընեալ, զարքայութիւնըն ժառանգեալ,  
զոր թէ՛ կամի որ հաւաստեալ, զճղիշէի տառ վերժանեալ:  
Որ ցուցանէ՛ զայս գործեցեալ, ի Յազկերտի աւուրս եղեալ,  
ըզգլուխն ոտիւք ի բաց բարձեալ, զմեծըն փոքումբք տարամերժեալ:  
Զհաւատըն հովուաւք սըրոյ տըւեալ, զգառիսըն գայլ յափըշտակեալ,  
զերիտասարգսըն խողխողեալ, ի մարց զըրկաց տըղայք գերեալք:  
Եւ ըզկուանսն ոչ որ սգացեալ, ծերք աթոռոյ պատուոյ անկեալ,  
ըզբահանայսն ի սուր մատնեալ, զայրիս նոցա ոչ որ լացեալ:  
Որպէս Ղևոնդ արեաւք ծաղկեալ, իմաստութեամբ պայծառացեալ,  
հեզըն Սահակ պատարագեալ, և ոչխարոյ փոխան զննեալ:  
Սուրբըն Յովսէփ հոգով մաքրեալ, և ոչք նոցին աշակերտեալ,  
որք գերկնային լոյսըն տեսեալ, և պսակացն արժանացեալ:

